



Broj: 05-JN1-16-4-TB-15-21/26

Sarajevo, 20.03.2026. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktorica Direkcije za evropske integracije d o n o s i:

O D L U K U

o izboru najpovoljnijeg ponuđača

Član 1.

(1) Na osnovu provedenog otvorenog postupka javne nabavke za nabavku laptopa 2 (dva) komada, kao najpovoljniji ponuđač izabran je Rebus d.o.o. Sarajevo po ukupnoj cijeni ponude od 4.440,00 KM bez PDV-a, s kojim će se zaključiti ugovor za predmetnu nabavku.

(2) Ponuđač Rebus d.o.o. Sarajevo u svojoj ponudi ponudio je 2 (dva) laptopa modela Lenovo ThinkBook 16 G6 IAL Notebook koji svojim tehničkim karakteristikama u potpunosti odgovoraju tehničkoj specifikaciji iz Obrasca za cijenu ponude.

Član 2.

Ova odluka će se objaviti na internet stranici Direkcije za evropske integracije, te istovremeno uputiti svim učesnicima koji su učestvovali u postupku javne nabavke, u skladu sa članom 70. stav (6) Zakona.

Član 2.

Odluka stupa na snagu danom donošenja.

O b r a z l o ž e n j e

Odlukom broj: 05-JN1-16-4-TB-15/26 od dana 26.01.2026. godine pokrenut je otvoreni postupak za nabavku laptopa (2) dva komada, za potrebe Direkcije za evropske integracije.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), Ugovorni organ objavio je obavještenje o pokretanju otvorenog postupka za nabavku laptopa 2 (dva) komada.

Do krajnjeg roka za dostavu ponuda, na Protokol Direkcije za evropske integracije, Komisija konstatuje su prispjele ukupno 4 (četiri) koverta, uredno zapečaćene i neotvorene niže navedenih ponuđača:

Broj protokola	Naziv ponuđača	Datum prijema
05-JN1-16-4-TB-15-13/26	FixITd.o.o. Sarajevo	06.03.2026. godine
05-JN1-16-4-TB-15-14/26	R&S d.o.o. Sarajevo	09.03.2026. godine
05-JN1-16-4-TB-15-15/26	Rebus d.o.o. Sarajevo	09.03.2026. godine
05-JN1-16-4-TB-15-16/26	PR. MEDIA MARKET SP, Prjedor	09.03.2026. godine

Komisija za javne nabavke je konstatovala da neblagovremenih ponuda nije bilo.

Komisija za javne nabavke je 09.03.2026. godine u 14.30 sati u punom sastavu pristupila javnom otvaranju ponuda, na kojem nije prisustvovao nijedan od ovlaštenih predstavnika ponuđača.

Komisija za javne nabavke je potom pristupila pregledu opće dokumentacije, odnosno ocjeni kvalifikacije ponuđača, a imajući u vidu zahtjevane uslove za učešće, odnosno dokaze o ispitivanju istih.

Nakon pregleda, Komisija za javne nabavke je konstatovala da su ponude sljedećih ponuđača su nepravilne.

1. R&S d.o.o. Sarajevo

Ponuđač R&S d.o.o. Sarajevo u svojoj ponudi dostavio je, uz Obrazac za cijenu ponude (Aneks 1), originalni predračun na memorandumu svoje firme sa tehničkom specifikacijom modela laptopa koje nudi.

Međutim, Komisija za javne nabavke konstatuje da uvidom u dostavljeni predračun za ponuđene laptopove nisu navedene sljedeće tehničke karakteristike koje su tražene tenderskom dokumentacijom:

- ekološki certifikat Energy Star® 8.0;
- tastatura: USB tastatura, BiH latinični standard;
- maksimalna težina laptopa od 1,7 kg.

Shodno navedenom, Komisija za javne nabavke je konstatovala da je ponuda ponuđača R&S d.o.o. Sarajevo nepravilna.

2. FixIT d.o.o. Sarajevo

Ponuđač FixIT d.o.o. Sarajevo u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela laptopa koje nudi.

Međutim, Komisija za javne nabavke konstatuje da uvidom u dostavljeni predračun za ponuđene laptopove nisu dostavljene sljedeće tehničke karakteristike koje su tražene tenderskom dokumentacijom:

- tastaturu: USB tastatura, BiH latinični standard,
- maksimalnu težinu laptopa: 1,7 kg.

Također, Komisija za javne nabavke konstatuje da ponuđač FixIT d.o.o. Sarajevo u svojoj ponudi nije dostavio dokaze tražene tenderskom dokumentacijom, i to:

- Izjavu ponuđača da je ponuđena oprema nova – nekorištena;
- Izjavu ponuđača da za ponuđene laptopove postoji ovlašten servis na području Bosne i Hercegovine.

Tenderskom dokumentacijom bilo je propisano da ponuđač mora dostaviti navedene izjave, potpisane i ovjerene od strane ponuđača, kao dokaz da je ponuđena oprema nova – nekorištena i da za ponuđene laptopove postoji ovlašten servis na području Bosne i Hercegovine.

Uvidom u dostavljenu ponudu Komisija za javne nabavke je utvrdila da ponuđač nije dostavio tražene izjave, odnosno dokaze u skladu sa zahtjevima iz tenderske dokumentacije.

U skladu sa navedenim Komisija za javne nabavke je konstatovala da ponuda ponuđača FixIT d.o.o. Sarajevo je nepravilna.

3. PR. MEDIA MARKET SP, Prjedor

Ponuđač PR. MEDIA MARKET SP Prijedor u svojoj ponudi nije dostavio dokaze tražene tenderskom dokumentacijom za nabavku laptopa 2 (dva) komada, i to:

- Izjavu ponuđača da je ponuđena oprema nova – nekorisštena;
- Izjavu ponuđača da za ponuđene laptope postoji ovlaštenu servis na području Bosne i Hercegovine.

Tenderskom dokumentacijom bilo je propisano da ponuđač mora dostaviti navedene izjave, potpisane i ovjerene od strane ponuđača, kao dokaz da je ponuđena oprema nova – nekorisštena i da za ponuđene laptope postoji ovlaštenu servis na području Bosne i Hercegovine. Uvidom u dostavljenu ponudu Komisija za javne nabavke je utvrdila da ponuđač nije dostavio tražene izjave, odnosno dokaze u skladu sa zahtjevima iz tenderske dokumentacije.

Nakon eliminisanja gore navedenih ponuđača, Komisija za javne nabavke je konstatovala da je ponuda ponuđača Rebus d.o.o. Sarajevo prihvatljiva te da je ponuđač dostavio ukupnu vrijednost ponude u iznosu od 4.440,00 KM bez PDV-a.

Poštujući tendersku dokumentaciju za predmetnu nabavku i Obavještenje o nabavci objavljeno na Portalu javnih nabavki, kojim je predviđeno održavanje e-aukcije, Komisija za javne nabavke konstatuje da je u predmetnom postupku zaprimljena samo jedna prihvatljiva ponuda.

U skladu sa Pravilnikom o uslovima i načinu korištenja e-aukcije, u takvom slučaju e-aukcija se ne može zakazati, te se postupak javne nabavke okončava dodjelom ugovora ponuđaču Rebus d.o.o. Sarajevo.

Uzimajući u obzir da je utvrđeni kriterij za odabir ponude „najniža cijena“, Komisija za javne nabavke je konstatovala da je najpovoljniju ponudu za nabavku laptopa 2 (dva) komada, za potrebe Direkcije za evropske integracije, dostavio ponuđač Rebus d.o.o. Sarajevo po ukupnoj cijeni ponude od 4.440,00 KM bez PDV-a.

Ponuđač Rebus d.o.o. Sarajevo u svojoj ponudi ponudio je 2 (dva) laptopa, model Lenovo ThinkBook 16 G6 IAL Notebook, koji svojim tehničkim karakteristikama u potpunosti odgovaraju tehničkoj specifikaciji iz Obrasca za cijenu ponude.

Stoga Komisija za javne nabavke daje preporuku direktorici Direkcije za evropske integracije da donese Odluku o izboru najpovoljnijeg ponuđača Rebus d.o.o. Sarajevo za nabavku laptopa 2 (dva) komada, te da sa istim zaključi Ugovor za predmetnu nabavku u iznosu od 4.440,00 KM bez PDV-a.

Također, Komisija za javne nabavke konstatuje da je ponuđač Rebus d.o.o. Sarajevo obavezan da u ostavljenom roku dostavi dokaze o kvalificiranosti prema članu 45. Zakona, nakon čega će se započeti sa procedurom zaključenja ugovora.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku. Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 10 (deset) dana od dana prijema ove odluke.



Dostaviti:

1. Učesnicima u javnoj nabavci
2. Na Internet stranicu Direkcije za evropske integracije
3. a/a